

مجموعه ابو الضحی

ما سوا شایسته شدن دل قطره به چالش
بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

عندی توجیه کرده بولنانلر واردر . حال بوکه بوکله نك اصلی (نارکیل) درکه
لسانمزد (هندستان جوزی) دنیلان (جوز هندی) نامنده کی ثمر
معروفك استی در .

تبا کو شربنه مخصوص اولان آلتك صوبولندیر یله حق قسمنك اك
اول اشبو (نارکیلدن) یعنی جوز هندیدن اعمال ایدلسی الت مذکوریه
بالاخره اسم مخصوص اولشددر . نته کیم خطه عربیه ده و حالا هندستانده
اکثریت (نارکیله) بی شو ذکر اولنان جوزدن اعمال ایدرلر . و آره صره
مملکتزه دخی جوز مذکوردن مصنوع نارکیله لر کلدیکی واردر .

(نارکیلک) عربیسی (نارجیل) در . معلومدرکه کاف فارسی بی
حاوی کلمات تعریب اولندقدده کاف حیمه مبدل اولقی قاعده در .

بناءً علیه (نارکیل) لفظی دخی بوقاعدهیه توفیقاً (نارجیل)
صورتنه تحول ایتشددر . نته کیم قاموسده وجه آتی اوزره مضبوط ومفسردر :
« [النارجیل] جوز هندی اسمیدرکه [هندستان جوزی] « تعبیر
اولنور . مفردی [نارجیله] در »

ایشته نارکیله، مفردی اعتباریله در. حتی تسبیح اعمال ایدیلان نارجیل
دخی یننه بوجوز هندیدر . بعض سیاح زینده طولاشان هند وعجم
جرارلرینك اللرنده کردیردکلری [کشکول] بونارجیلک نصفی در .

حوادث مدینه

آمریقا ممالك متحده سنده نشر اولنان اوراق حوادندن ۶۰ قطعه سی
قادینلر طرفندن اداره و تحریر اولتقدده ایش . حتی ایکی دانه سنك مرتب
وما کنیست کی خدمات تمثیلیه سنده دخی نسوان استخدام ایدلمکده در .

دنیاده یهودی لسانیه یومی اوله زق طوبی برغزته واردر . اوده
نویورق شهرنده [دایلی یویش] اسخنده و عبرانی حروفیه نشر اولنورکه
تمثیلات یومیه سی ۲۶۰۰ عدددر .

آوسترالیاده واقع [سیدنه ی] شهرنده بودفعه برپیانغو ترتیب
ایدلمشدر . الک بیوک پیانغو کیمه اصابت ایدرسه اوآدم سنوی ۵۰۰۰۰
فرانق تمتع براقان یومی برغزته ایله برده مکمل مطبعه صاحبی اوله جقدر .

بودفعه آلمانیا ده هرلسان اوزره اعطای معلومات ایدر برغزته
احداث اولنمشدر . مطبعه مزه وارد اولان برنسخه سی ایکی یوزه یقین لسانک
حروفی جامع و حتی ترجمان حقیقت غزته سنک عیناً بر فقره سنی حاوی
بولنمشدر .

شاعر مشهور پیرو نه منسوب بعض لطائف

پیرون کبرادن برمادامک قوناغنده طعام ایتمکده ایکن ، بعض شدتلی
لطیفه و استهزاه باشلامش اولمسندن صاحبه الیت دیرکه :

— سز بارکیسکز پیروون !

پیرون خانمک بوسوزی اوزرینه کوکسندکی پیشگیری براقوب
سفره دن قالقجه خانم دیرکه !

— نزهیه کیدیورسکز بارکیر افندی !

پیرون — آخورکره !

— مادام — بزم قوناقدہ اخور بوقدر .

پیرون — مادام ! غالباً یتاق اوطه گزی خاطر دن چیقاردیکر .